



Komunikadu Imprensa

14 Abril 2015

JSMP no ALFeLa hamutuk Grupo Sociedade Sivíl apoiu alterasaun ba Kódigu Penál audiénsia ho Ministru Justisa no GMPT-Parlamentu Nasionál

Iha 13 Abril 2015, JSMP no ALFeLa hamutuk ho grupu sociedade sivíl hasoru malu ho Exelénsia Ministru Justisa Dr. Ivo Valente ho nia Xefe Gabinete, no Asesora Sociedade Sivíl ba mídia iha sala audiénsia Ministériu Justisa nian. Alende ne'e iha loraik ekipa ne'e hamutuk organizasaun sira seluk hanesan Fokupers, Pradet, Mane ho Vizaun Foun, Ba Futuru, Fundasaun Alola, Rais Hadomi Timor Oan (RHOT), no Ba Futuru, hasoru malu ho Grupo Mulher Parlamentár Timor-Leste (GMPTL), no Komisaun A iha sala konferensia Parlamentu Nasionál.

Audiénsia ne'e, ho objetivu atu apresenta JSMP no ALFeLa nia submisaun kona-ba "Hadiak Kódigu Penal atu proteze diak liu fetu no labarik"

Asuntu ne'ebé mak grupu sosiadade sivíl enfaze mak asuntu inestu ne'ebé mak durante ne'e sai hanesan preokupasaun boot ba entidades sira hotu no abuzu seksuál ba menór no krime ho natureze violénsia bazeia ba jéneru sira seluk.

Iha audiénsia ne'e, propoin ba Ministériu Justisa halo alterasaun ba Kódigu Penál atu inkorpora artigu espesifiku kona-ba inestu no evita konfuzaun iha prátika. Tanba krime inestu rekere aprosimasaun diferente ho krime violasaun seksuál sira seluk.

Audiénsia ne'e, hetan reajem pozitivu husi Exelénsia Ministru Justisa no rekoñese katak kestaun ne'ebé grupu sociedade sivíl sira apresenta liu-liu kestaun inestu nu'udar kestaun ida ne'ebé pendiente no iha ona debate iha publiku dalabarak ona. Ministru Justisa mós subliña katak nia sei aproveita relatóriu ne'e ho di'ak, no sei konsidera alterasaun ba Kódigu Penál, tenke halo dala-ida deit maske sei lori tempu maibe ho parseria ne'e sei halo fasíl liután.

Ministru Justisa promete katak sira sei konsidera no sei hato'o kestaun ne'e ba Diresaun Asesoria Lejislasaun Ministériu Justisa nune'e sira bele estuda no analiza didiak antes ba debate iha Konsellu Ministru. Wainhira iha diskusaun iha Konsellu Ministru, mak iha buat ruma persiza klarifika nia husu grupu sociedade sivíl nia prezensa hodi fo apoiu ba argumentu sira ne'e.

Rua setubal, Colmera, Dili Timor Leste

PoBox: 275

Telefone: 3323883 |77295795

www.jsmp.tl

info@jsmp.minihub.org

Facebook: www.facebook.com/timorleste.jsmp

Twitter: @JSMPtl

Entretantu audiéncia ho GMPTL no Komisaun A, Parlamentu Nasionál mós hetan reasaun positivu. Membru GMPTL no Komisaun A konsidera katak asuntu ne'ebé grupo sosiedade sivíl sira preokupa hanesan preokupasaun no problema ba GMPTL no Komisaun A PN nian mós.

Membru deputa GMPTL sira promete katak sira sei apoiu no halo esforsu atu konvense membru Parlamentu sira seluk hodi apoiu ba esforsu no deskobremetu hirak ne'ebé mak grupo sosiedade sivíl ne'e apresenta. Hanesan reperzentante povo iha uma fukun Parlamentu Nasionál sira sei apoiu no sei uza informasaun hirak ne'e hodi bele halo argumentu bainhira halo diskusaun iha plenaria.

Audiéncia ne'e ensera ho entrega relatóriu kona-ba “Hadiak Kódigu Penál hodi proteje diak liu fetu no labarik” ba Prezidente GMPTL no Prezidente Komisaun A, Parlamentu Nasionál.

Relatóriu Submisaun JSMP no ALFeLa kona-ba “Hadiak Kódigu Penál hodi proteje diak liu fetu no labarik” disponivel iha website JSMP: www.jsmp.tl. Parte submisaun.

Tuir planu audiéncia hanesan sei halo mós ho Exelénsia Ministru Estadu Koordinator Asuntu Administrasaun Estadu no Justisa no Administrasaun Estatal, Sr. Dr. Deonísio Babo Soares iha Kinta-feira, 16 Abril 2015.

Atu hetan informasaun liutan favor kontaktu direktamente:

Luis de Oliveira Sampaio
Diretór Ezekutivu JSMP
Diresaun e-mail: luis@jsmp.minihub.org